



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-591-6/21**
Datum: **08.02.2022.godine**

«Agencija za vodno područje rijeke Save» Sarajevo rješavajući po zahtjevu pravnog lica «ZADA-Pharmaceuticals» d.o.o. Lukavac, za donošenje rješenja o vodnoj dozvoli za ispuštanje tehnoloških otpadnih voda sa iz pogona za proizvodnju i promet lijekova, izgrađenog u naselju Bistarac Donji, općina Lukavac, na osnovu člana 139. stav (1) tačka 3. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj dozvoli**

1. Pravnom licu «ZADA-Pharmaceuticals» d.o.o. Lukavac, daje se vodna dozvola za ispuštanje tehnoloških otpadnih voda iz pogona za proizvodnju i promet lijekova u naselju Bistarac Donji, općina Lukavac, izgrađene na zemljištu označenom kao k.č. br. 3015/1, 3015/2, 3017/2 K.O. Bistarac.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice «ZADA-Pharmaceuticals» d.o.o. Lukavac, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu proizvodno-poslovnog objekta za proizvodnju i promet lijekova, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se u roku od 3 (tri) mjeseca od izdavanja ovog rješenja izvrši deinstalacija podnih sifona i izvrše svi potrebni radovi u prostoriji u kojoj se vrši skladištenje lako loživog ulja kako bi se spriječilo da eventualno rasuto ulje može dospjeti u površinske vode, recipijent rijeku Jalu.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.4. Čišćenje uređaja za tretman tehnoloških otpadnih voda, vododrživih jama bez preliva i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring a prije miješanja sa oborinskom vodom, - u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20)

- 3.5. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.6. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.7. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija u tlo i vode).
- 3.8. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu členu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice «ZADA-Pharmaceuticals» d.o.o. Lukavac, zahtjevom broj: 07/12-MN/21 od 07.12.2021 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda iz pogona za proizvodnju i promet lijekova u naselju Bistarac Donji, općina Lukavac.

U provedenom postupku dostavljena je i pregledana sljedeća dokumentacija:

A. Opšta dokumentacija

- Ovjerena kopija Rješenja o izmjenama podataka upisa u sudski registar broj: 032-0-Reg-21-000051 od 20.01.2021. godine izdato od strane Općinski sud u Tuzli,

- Ovjereni kopiji Uvjerenja o poreskoj registraciji izdatoj od Porezne uprave Kantonalni porezni ured Tuzla od 05.05.2008. godine,
- Uplatnica za upravnu taksu u iznosu od 70.00 KM,
- Rješenje o naknadnom odobrenju za građenje broj: 05/1-23-1-1664/07 od 09.12.2009. godine, Služba za urbanizam, prostorno planiranje, geodeske i imovinsko-pravne poslove, Lukavac,
- Rješenje o odobrenju za građenje broj: 02/6-03/2-23-1-698/03 od 22.07.2003. godine, Služba za prostorno planiranje, obnovu i komunalne poslove, Lukavac,
- Rješenje o odobrenju za građenje broj: 02/6-03/2-23-1-2775/03 od 23.07.2003. godine, Služba za prostorno planiranje, obnovu i komunalne poslove, Lukavac,
- Rješenje o vodnoj dozvoli br. UP-1/25-3-40-665-4/16 od 26.12.2016. godine, izdato od «Agencije za vodno područje rijeke Save» Sarajevo,
- Rješenje o okolinskoj dozvoli za broj: UPI-05/2-23-11-1/17 od 07.03.2017. godine, izdata od strane Federalnog ministarstva okoliša i turizma,
- Ugovor od 07.01.2021 godine, o skupljanju, skladištenju i zbrinjavanju opasnog otpada, sklopljen sa „KEMEKO“ d.o.o. Lukavac,
- Rješenje o ispunjenju uslova za obavljanje djelatnosti proizvodnje lijekova broj: 10-07.12-7-12034/19 od 12.02.2020 godine od strane Agencije za lijekove i medicinska sredstva BiH,
- Ovjereni punomoć za Nurkanović Mirzu od 07.12.2021 godine,
- Izvod iz dokumenta SOP Upravljanje vanrednim situacijama broj 662/16 od 16.11.2016 godine,
- Izvještaji o ispitivanju kvaliteta otpadnih voda pravnog lica „ZADA-Pharmaceuticals“ d.o.o. Lukavac d.o.o. Sarajevo za mjesec januar 2021 godine, urađeni od strane „Institut za hemijsko inženjerstvo“ d.o.o. Tuzla.

B. Tehnička dokumentacija

- Projekat izvedenog stanja-prikupljanja tretmana i ispuštanja tehnoloških otpadnih voda pravnog lica «ZADA-Pharmaceuticals» d.o.o. Lukavac, urađen od strane "TQM" d.o.o. Lukavac, januar 2022 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-591-4/21 od 04.01.2022. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija poslovnog objekta-pogona za proizvodnju i promet lijekova, pravnog lica „ZADA-Pharmaceuticals“ d.o.o. Lukavac, nalazi se u naselju Bistarac Donji, općina Lukavac.

Na lokalitetu predmetnog poslovnog objekta nalaze se sljedeće cjeline: upravna zgrada, pogon za proizvodnju lijekova, prostor sa opremom za pakovanje lijekova, prostor za kontrolu kvaliteta lijekova (laboratorija), prostor sa uređajem za pripremu vode, skladište lijekova, skladište lijekova u izgradnji, dvokomorni AB taložnik za prečišćavanje tehnoloških otpadnih voda, jama bez preliva za sakupljanje viška kiseline i lužina tkz. „slijepa jama“, skladište lako loživog ulja, septička jama za sanitarne vode, saobraćajne površine i dr.

Proizvodni procesi su podijeljeni u nekoliko dijelova i nivoa i to: skladišni dio, veletrgoherija, proizvodna zona i kontrola kvaliteta.

Prma podacima iz projekta utvrđeno je da će namjena objekta u izgradnji na predmetnoj lokaciji biti skladišno-administrativni objekat te da u istom neće nastajati tehnološke otpadne vode. U slučaju da se namjena objekta promijeni i da u istom budu nastajale tehnološke otpadne vode neophodno je da se podnosilac zahtjeva obrati ovoj Agenciji.

Osnovna djelatnost firme „ZADA-Pharmaceuticals“ d.o.o. Lukavac je proizvodnja, skladištenje i prodaja farmaceutskih proizvoda (čvrstih oralnih formi). Kapacitet proizvodnje u predmetnom poslovnom objektu je 9,3 tona/godinu granulata.

Snabdijevanje vodom za potrebe predmetnog objekta vrši se priključkom na gradski vodovodni sistem i iz vlastitog izvora vodo snabdijevanja-bunara.

Tehnološke otpadne vode koje nastaju od pranja opreme i ambalaže se zasebno separatno kanalizacijom PVC DN 160= mm, odvode AB vodonepropusni taložnik zapremine 60,0 m³ sa prelivom u

šahat (monitoring za okno) te zajedno sa oborinskim otpadnim vodama DN300mm ispuštaju u oborinski betonski kolektor DN 800 mm uz magistralnu saobraćajnicu M-4 Tuzla –Doboj sa ispustom u rijeku Jalu. Višak kiselina i lužina, koje nastaju u prostoru laboratorije u digstorima tokom analiza, prikuplja se separatnom odvodnjom do AB vodonepropusne jame bez preliva (tzv. slijepa jama) zapremine $V=4 \text{ m}^3$ i njen se sadržaj zbrinjava od strane ovlaštene firme.

Na lokaciji se nalazi kotlovnica koja koristi lako loživo ulje kao gorivo, a koje se skladišti u dva namjenska rezervoara. Kapacitet rezervoara je po 2000 l i isti su smješteni do kotlovnice u susjednoj prostoriji.

U slučaju isticanja lako loživog ulja unutar skladišta u suterenu, navedeni medij bi mogao dospjeti preko podnih sifona u internu odvodnju a dalje u recipijent Jalu.

Izvršaj rezultata ispitivanja kvaliteta tehnoloških otpadnih voda, za mjesec januar 2021 godine, urađeni od strane „Institut za hemijsko inženjstvo“ d.o.o. Tuzla kao i rezultati ispitivanju analize tehnološke otpadne prikazani u projektu a urađeni od strane "TQM" d.o.o. Lukavac, januar 2022 godine ukazuju da parametri kvaliteta tehnološki otpadnih voda su u skladu sa graničnim vrijednostima definisanim Uredbom o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama, člana 3. tačka cc) i članova 15, 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, «ZADA-Pharmaceuticals» d.o.o. Lukavac, ispunio minimum uslova za izdavanje vodne dozvole za ispuštanje oborinskih onečišćenih voda te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Behija Ahmedić, dipl.inž.tehn.

Po ovlaštenju

Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- «ZADA-Pharmaceuticals» d.o.o. Lukavac, Bistarac Donji bb, Lukavac (Prilog-tehnička dokumentacija pod tačkom B obrazloženja Rješenja)
- AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo